

國民 文獻 分類 編續

國家圖書館出版社

民國文獻類編續編

政治
卷

164

民國時期文獻保護中心
中國社會科學院近代史研究所

編

民國文獻類編續編

政治
卷

164

民國時期文獻保護中心
中國社會科學院近代史研究所
編

國家圖書館出版社

江蘇省議會 輯

江蘇省議會第二屆第二次常年
會議決案類編（二）

民國間出版

第一六四冊目錄

江蘇省議會第二屆第二次常年會議決案類編(二) 江蘇省議會輯 民國間出版 一

江蘇省議會第二屆常年會議決案彙編(第二類附錄)(一) 江蘇省議會輯 民國間

出版 一八七

江蘇省議會第二屆第二次常年會議決案類編

下編 第三類
附編

江蘇省議會第二屆第二年年會議決案類編

下編

第一類 無

第二類

咨請查辦金陵道尹俞紀琦案

民國八年十二月十八日議決 同年同月二十日咨送

(一) 議決案

查官吏服務令第十六條凡官吏有統屬關係者無論涉及職務與否不得饋受財物其因家族或用別項名義及其他方法間接饋受者亦同又同令第十七條長官對於屬官該管事件不得爲其親故關說請託又同令第二十六條官吏應恪守官箴不得狎妓聚賭及一切非法之舉動皇皇法令制限綦嚴身膺民社者宜何如整躬率屬以肅官常乃金陵道尹俞紀琦在省服務有玷官箴事實昭彰無可諱飾與官吏服務令兩兩比較有不能爲該道尹寬者若不嚴行澈究將何以整綱紀而儆官邪茲將該道尹應行查辦之款列舉如左

一越職攬權 國家設官各有專職該道尹職守所在自應永矢兢兢乃以省公署諮議名義把持省署一切政務所有公文書類必經該道尹蓋戳而後發行政務廳長如同虛設今春蔡廳長曾因憤辭職其中黑幕不言可知江蘇吏治之敗壞該道尹實階之厲此應請查辦者一

一納賄營私 該道尹貪墨不職盡人皆知其最甚者如六合稅務所長朱某因運動斯差饋該道尹以三千元其他則寧省鐵路局長李某以一千八百元買汽車一乘賄該道尹遂得承辦議和代表公寓之差上以賄求下以賄應俾江蘇吏治皆以賄通尙復成何事體此應請查辦者二

一收妓爲妾 下關商埠局長劉某南京電燈廠長貝某上海稅務所長陳某灣邵稅務所長祝某因米案及其他關係共同出資五千元價買釣魚巷妓女樊小桂子贈該道尹爲妾其時正值陰歷五月十日省垣及各大商埠罷市罷學該道尹處此時期對於人民宜作何觀念對於國家宜作何觀念乃收受僚屬所贈之妾不悉具何心肝此應請查辦者三

一縱情煙賭 吸食鴉片律有專條該道尹嗜好甚深罔知顧忌復與僚屬及閹閹中人時時聚賭輸贏甚鉅政界效尤習非成是縱情違法敗壞官常此應請查辦者四

統上種種均爲該道尹事實昭昭在人耳目者按之官吏服務令及文官懲戒法第二條第一

項之規定自應澈底清查嚴行懲處庶幾江蘇吏治得有振作之一日地方幸甚謹議

(二) 本會咨文

爲咨行事查金陵道尹俞紀琦在省服務有玷官箴事實昭彰無可諱飾本會於本月十八日提出會議大多數議決應請貴省長依法查辦以肅官方而清吏治相應依照省議會暫行法第十八條之規定繕具議案咨請查照辦理此咨

附錄原案一

張議員福增提議查辦金陵道尹俞紀琦案

竊維國家設官分職代有常型有司治事臨民先宜守法是以歷朝對於瀆職官吏糾參有御史之臺民國法制變更查辦爲議會之職皆所以整飭官方澄清吏治也茲查有金陵道尹俞紀琦者本屬幕僚隨齊公而來蘇佐治繼蒙簡任以備員而觀察金陵應如何圖報感恩整躬率屬乃竟縱情溺職納賄攬權三千金則說項稅差六十縣皆位置故舊營私植黨舞法弄文省公署惟彼獨尊政務廳如同虛設致令一般廠長局員稅所知事趨奉惟恐不先獻媚無所不至買來壓託汽車載送樊家素女尤復八閤雀戲一榻烏煙日以爲常人言不畏在省長乃躬清白何必受過因人該道尹違法辜恩實屬官箴有玷以上種種事實昭彰按之官吏服務令則違犯規程律以文官懲戒法則允宜澈究用特依據議會法提出理由擬請即咨省公署嚴行查辦以肅官常而防多口是否有當仍候公決

提議人 張福增

連署人 蔡鈞樞 朱翼雲 孫紹祖 董仙儒 趙錫綦 于殖 薛文奎

孫翰宗

附張議員福增提出對於查辦金陵道尹俞紀琦案臚舉事實補充理由書

金陵道尹俞紀琦違法納賄業經本員提案查辦文中所敘雖云事實昭彰究屬略而不詳近復博訪周諮盡得真相用特臚舉補充以資查辦而正官邪

事實

一金陵道尹俞紀琦與金陵關監督曹豫謙同屬省長舊友爲幕僚時即彼此爭權各不相下俞始爲政務廳長曹復取而代之嗣曹亦得官而去俞仍領公署諮議把持政務一切公文書類必經伊蓋戳而後發行其中舞弊營私不勝枚舉今春蔡政務廳長會因之憤而辭職此俞紀琦之攬權雖屬無法令而江蘇吏治之敗壞伊一人實階之厲焉

一俞紀琦之貪墨不職人盡知之其最甚者如六合稅務所長朱某因運動斯差餉俞以三千元由俞代向財廳說項官廳中人類能言之其他則甯省鐵路局長李某以一千八百元買汽車一乘送俞遂得承辦議和代表公寓之差而下關商埠局長劉某南京電燈廠長貝某上海稅務所長陳某灣邵稅務所長祝某因米案及其他關係共同出資五千元價買釣魚卷妓女樊小桂子贈之爲妾入門之時正值陰歷五月中各大商埠罷市罷工罷學期間報載茶詳人言嘖嘖此俞紀琦之直接間接納賄無可諱者也

理由

一俞紀琦嗜好甚深當此煙禁甚嚴竟敢日吸鴉片毫無顧忌復與閩中人終日聚賭輸贏頗鉅縱情違法歲以加矣一查官吏服務令第十六條凡官吏有統屬關係者無論涉及職務與否不得饋受財物其因家族或用別項名義及其他方法間接饋受者亦同又同第十七條長官對於屬官該管事件不得爲其親故關說請託又同二十六條官吏應恪

守官箴不得狎妓聚賭及一切非法之舉動俞紀琦皆躬自蹈之實遠上開各條

一依據文官懲戒法第二條第一項第二項俞紀琦實違背職守義務玷污官更身分

統按事實理由俞紀琦之違法納賄已無可遁飾若不嚴行查辦不獨無以肅官常而吏治前途詎堪設想本員以至公之心實行愛江蘇主義且深感省長願聞已過之宣言用本春秋責備賢者之意聊舉數端以供討論知我罪我所不計也諸維公鑒

提出人 張福增

●●● 附錄原案二

王議員發蒙提出對於張議員福增等提議查辦金陵道尹俞紀琦條正案

查金陵道尹俞紀琦縱情溺職納賄攬權張議員福增已提出查辦案矣惟所舉事實尚未詳盡且有局長廠長所長等不顧廉恥之趨奉若不嚴行澈究何以肅官箴而儆官邪茲將該道尹應查辦之點一一詳舉之

(一)越職攬權 國家設官各有專責該道尹職守所在自應兢兢從政乃以道尹之缺爲閒曹竟干涉省署之事其彰明較著者省署案牘之行與否非有該道尹簽押不得發生效力查閱省署卷宗當可瞭然此應查辦者一

(二)納妓作妾 該道尹以幕僚而升任今職論官階則簡任職也論職守一道之表率也宜如何潔已奉公以身作則乃該道尹不畏人言悍然不顧竟於今歲夏節後強迫誘納本城之釣魚巷妓女樊小桂子爲妾始則住居下關爲掩人耳目之計繼則明目張胆遷回公館近聞又畏人言送至下關於職守所在之地強納妓女作妾實屬有玷官箴此應查辦者二

(三) 賄賂公行 該道尹政以賄成盡人知之茲舉其最著者如六合稅所所長朱錫古送洋三千元爲之運動連任甯省鐵路局長李文濱以一千八百元買汽車贈送爲之運動招待議和代表之差此直接之受賄也下關商埠局長劉思鑑前電燈廠長貝祖善上海稅所所長陳超衡灣邵稅所所長祝燮臣共出洋五千元代出買納樊妓之費此間接之受賄也逐一查問不難永落石出此應查辦者三

(四) 吸食鴉片 吸食鴉片律有專條該道尹知法犯法於公署內公開煙燈肆意吸食吞雲吐霧一榻橫陳乃至此風一開率多效尤警廳不便過問知事莫敢誰何不獨有敗官常抑且破壞煙政調驗該員真相自露此應查辦者四

(五) 植黨營私 江蘇六十縣除贛榆等數縣外其餘五十餘縣之二科及科員半由該道尹交條任用非其門生卽其親戚知事畏其勢力不得不仰承意旨爲取悅地步派員澈查當知底蘊此應查辦者五

以上種種除該道尹之違法自應澈究外其餘如朱錫古李文濱劉思鑑貝祖陳善超衡祝燮臣等身爲官吏乃行此無廉恥之事當亦在併案查辦之列是否有當敬候公決

提議人 王發蒙

連署人 蔡鈞樞 武同榮 楊東嚴 顏作賓

咨請查辦南京警察廳長王桂林案

民國八年十二月十八日議決 同年同月二十日咨送

(一) 議決案

查警察之設置預防危險保護安寧關係地方至重且要長警務者非得學識優長經驗富宏之人不足以勝任愉快茲查本省警察廳長王桂林在職數年植黨營私毫無建白其濫用私人毀壞警務無所不至若不嚴行懲處殊不足改良警政整飭官方謹將該廳長各劣迹分述如下

一 朦蔽長官 下關署長王固磐係天津因案判決之逃犯載在報章該廳任以署長之職今夏學生游行縱令巡士用鎗刀刺傷多人激動公憤函電分馳請軍民兩長撤差懲辦該廳長陽奉陰違反改任爲總務科長繼又朦請省署轉咨政府改用文職其朦蔽長官一至於此

二 庇護屬員 北區署長張國琛記過二十次之多降爲代理亦四五次終不撤差名爲試任東區署長趙永平終日嫖賭職務廢弛乃竟不戒於火將該署房屋槍械軍裝燒毀一空以致僕役焚斃釀成巨禍該廳不加懲辦反歸咎於間柳酒館以爲彌縫卸過之計

三濫用私人 該廳內外各重要職務非其親戚卽其故舊不問稱職與否如中區署長王文貴係張勳之馬夫偵緝隊長靳恩祥係楊以德之僕役西區署員趙仲三係天津無業游民（現人多稱爲趙花子）既無資格又無學識該廳長均予以長官位置其籍隸本省者不足十分之一求一位置較高之本省人絕不可得

四縱警擾民 該廳巡長巡警生性強暴類少學識毆打人民姦拐婦女之事亦時有所聞小民無力伸冤迫於威勢忍不敢言該廳長明知故昧習以爲常又如建築章程本爲維持路政起見外區長警往往任意需索延不給照至數月之久事迹昭昭無可諱飾

五玩視人命 南區宋鼎廷逼勒巡警因而自斃下關巡官劉翰卿越界拿賭威逼人命此等重案該廳長臨時掩飾耳目暫處以撤差現仍照舊任用又東園巡士互相開槍攻擊一人受傷一人投河斃命該廳長事前既不約束事後又不處分直視命案如兒戲

六浮冒開支 該廳公役合計二百餘名皆以巡士代充外差由巡官以上內差由科員以上各食公役一名或二名餘餉爲廳長所獨有尤奇者廳長名桂林字清泉而公役有王桂王林職員有王清王泉實無其人以廳長一人化出四名開支此外如茶水一項均歸各人自備而歷年報銷每月六十二元又如天篷風扇等未曾購置仍然開支其浮冒之處不可勝

數

七侵蝕公款 省城警察廳比淞滬蘇州尤爲繁重而歷年違警罰款報數較蘇滬兩廳相差甚巨其原因由於巧立罰款名目曰捐助公益品被罰者出款由該廳代辦而款入私囊又合計各區巡士照定額約祇有九成永不招補而吞沒其餉銀至曠餉一項爲數亦復不少該廳長從不列報又如從前戒嚴期內添設臨時稽查和議代表來寧添招臨時警察隊實則一名未添全由各區調撥該廳長將報銷之款全數侵蝕

八損失軍械 存庫槍械有案可稽現聞有將庫房之槍械服裝私運他方而以廢槍更換之至該廳之警官巡士品行惡劣者往往欠款潛逃並將其手槍軍裝等拐去查無下落廳長亦不過問此項槍械關係重要非由軍民兩長按照根簿一一查驗不可

統觀以上諸端該廳長違法溺職植黨營私已達極點長此相沿實爲江蘇全省人民之害爰據省會法第十八條之規定開具事實咨請省長依法澈查嚴予懲辦以儆官邪而申法紀謹

議

(二) 本會咨文

爲咨行事查南京警察廳長王桂林服官警務措置乖方事實喧傳人言嘖嘖本會於本月十

八日提出會議大多數議決應請貴省長依法查辦以肅官箴而維警政相應依照省議會暫行法第十八條之規定繕具議案咨請查照辦理此咨

●●●
附錄原案

顏議員作賓等提議查辦南京警察廳長王桂林緊急動議案

竊以警察之設置預防危險保護安甯關係地方至重且要長警務者非得學識優長經驗宏富之人不足以勝任愉快况吾蘇政化向以優美著稱金陵一域係全省長官所在地點機關林立他方人士來遊斯土者亦復不少由此觀之長警一職似較他處尤宜注重故自前清光緒年間獨汲汲於本省域中創辦警察學堂巡警教練所迨至民國成立猶以人數未足支配仍不惜國帑推而廣之復設立警官養成所警察傳習所培植人材先後畢業者不下千餘人均因重視本省警務而設已可概見茲查本省警察廳王桂林本屬北洋警察學校之武生謬充南京警務要職歷今數載擅權營私毫無建白以逢迎長官爲職志以獻媚外人爲本能濫用私人廢弛職務害馬不去貽禍無窮本員考閱該廳職員錄籍隸本省者不足十分之一迹其內容且有種種歧視或歷數年而不遷升或因小過而撤差委欲警察中求一位置較高之本省人絕不可得然或者該廳爲慎重用人起見其所用之一切警官員司皆有相當之資格果其遵守法律不肯警章則亦何必責備求全津津置議乃竟有大謬不然者謹將該廳長溺職違法擅黨營私見聞所及分述於下一陳蔽長官 下關署長王固磐係天津因案判決之逃犯載在報章該廳任以署長之職今夏學生游行縱令巡士開槍禁止用刀刺傷多人激動公憤函電分馳請軍民兩長撤差懲辦該廳長陽奉陰違反改任爲總務科長繼又朦朧省署轉咨政府改用文職人心雖多不服而省長特受其欺厥

二庇護屬員 北區署長張國琛記過二十次之多降爲代理亦四五次終不撤差而名爲試任不知據何章程東區署長趙永平終日嫖賭職務廢弛乃竟不戒於火將該署房屋槍械軍裝燒毀一空以致僕役焚斃釀成巨禍該署不加懲辦反歸咎於開柳酒館以爲彌縫之計

三濫用私人 該廳內外各重要職務非其親戚卽其故舊不問稱職與否如中區署長王交貴係張勳之馬夫偵緝隊長靳恩祥係楊以德之僕役西區署員趙仲三係天津無業游民(現人多稱爲趙花子)既無資格又無學識該廳長均予以長官位置

四縱警擾民 該廳巡長巡警天津人居十之八九毫無警察知識生性強暴最易滋事毆打人民姦拐婦女之事實幾無日不有小民無力伸冤迫於威勢忍不敢言該廳長明知故昧習以爲常又如建築章程本爲維持路政起見而外區長警往往任意需索延不給照至數月之久人言嘖嘖無可諱飾

五玩視人命 南區宋鼎廷逼勒巡警因而自斃下關巡官劉翰卿越界拿賭威逼人命此等重案該廳長臨時掩飾耳目暫處以撤差現仍照舊任用又東園巡士互相開槍攻擊一人受傷一人投河斃命該廳長事前既不約束事後又不處分直視命案如兒戲

六浮冒開支 該廳公役合計二百餘名皆以巡士代充外差由巡官以上內差由科員以上各食公役一名或二名餘餉爲廳長所獨有尤奇者廳長名桂林字清泉而公役有王桂王林職員有王清王泉實無其人以廳長一人而化出四名開支此外如茶水一項均歸各人自備而歷年報銷每月六十二元又如天蓬風扇等未曾備置而仍然開支其浮冒之處不可勝數